

## CONVENIO DE COOPERACIÓN EDUCATIVA ENTRE A CONSELLERÍA DE MEDIO AMBIENTE, TERRITORIO E VIVENDA E A UNIVERSIDADE DA CORUÑA PARA A REALIZACIÓN DE PRÁCTICAS ACADÉMICAS EXTERNAS CURRICULARES OU EXTRACURRICULARES DO ALUMNADO

### REUNIDOS

Dunha parte, D<sup>a</sup>. Ángeles Vázquez Mejuto, Conselleira de Medio Ambiente, Territorio e Vivenda da Xunta de Galicia, en virtude das facultades atribuídas polo artigo 34 da Lei 1/1983 de 22 de febreiro de normas reguladoras da Xunta e da súa presidencia, de acordo co seu nomeamento polo Decreto 112/2020, de 6 de setembro, polo que se nomean os titulares das vicepresidencias e Consellerías da Xunta de Galicia, en relación co establecido no Decreto 110/2020, de 6 de setembro, polo que se establece a estrutura orgánica da Xunta de Galicia, co previsto no Decreto 130/2020, de 17 de setembro, polo que se fixa a estrutura orgánica das vicepresidencias e das Consellerías da Xunta de Galicia, e co establecido no Decreto 42/2019, de 28 de marzo, polo que se establece a estrutura orgánica da Consellería de Medio Ambiente, Territorio e Vivenda

Doutra parte, D. Julio E. Abalde Alonso, reitor da Universidade da Coruña, con sede na rúa da Maestranza 9, 15001 A Coruña, e CIF Q6550005J. Actúa en nome e representación da nomeada institución, no uso das atribucións que lle confire o art. 36.1.f) dos seus Estatutos, aprobados polo Decreto 101/2004, do 13 de maio, da Xunta de Galicia, modificado polo Decreto 194/2007, do 11 de outubro, que outorga ao reitor a facultade de asinar convenios en nome da Universidade da Coruña.

Ambas as dúas partes en virtude de poderes suficientes para comparecer neste acto e vincularse, poderes ou capacidades que manifestan non lle foron modificados nin revogados.

Todas as partes recoñécense plena capacidade e lexitimación abonda para a formalización do presente convenio e, para estes efectos,

### EXPOÑEN

**Primeiro.**- A Lei 6/2013, do 13 de xuño, do Sistema Universitario de Galicia, derivada da adaptación ao espazo europeo de educación superior (EEES), pon unha especial énfase na realización por parte do alumnado universitario de prácticas externas en entidades públicas e privadas, nacionais ou internacionais desde a consciencia de que unha combinación dunha axeitada formación teórica universitaria co coñecemento aplicado das técnicas e das metodoloxías desenvolvidas no campo profe-



sional constitúe a base máis sólida para a súa formación integral ao capacitalo para a súa futura inserción no mercado laboral.

**Segundo.-** Que o Real decreto 592/2014, de 11 de xullo, que regula as prácticas académicas externas de estudantes universitarios establece no seu art. 8.1.a, a posibilidade de que o alumnado matriculado en ensinanzas impartidas pola universidade realicen prácticas académicas externas, que poderán ser curriculares ou extracurriculares.

**Terceiro.-** As competencias da Consellería de Medio Ambiente, Territorio e Vivenda, son, entre outras:

- A conservación, protección, uso sostible, mellora e restauración do patrimonio natural e da biodiversidade de Galicia.
- A divulgación dos valores do patrimonio natural.
- A xestión dos hábitats naturais, da flora e fauna silvestres, das paisaxes naturais e dos elementos singulares da gea da Comunidade Autónoma de Galicia
- O desenvolvemento e dinamización do uso público e recreativo do medio natural.
- A promoción e defensa integral da natureza e dos elementos que a compoñen.
- A avaliación e control da incidencia que sobre o ambiente provoque a actividade humana, o fomento de sistemas e estratexias de corrección da dita incidencia, a avaliación dos efectos de determinados plans e programas no ambiente, a xestión dos sistemas de observación ambiental e predición meteorolóxica de Galicia e o impulso da investigación ambiental e desenvolvemento tecnolóxico para o logro da adecuada protección ambiental.

**Cuarto.-** O artigo 1 da Lei orgánica 6/2001, de 21 de decembro, de Universidades, atribúe a estas institucións a realización do servizo público da educación superior mediante a investigación, a docencia e o estudo conferíndolles, entre outras funcións, a creación, desenvolvemento e crítica da ciencia, da técnica e da cultura; a preparación para o exercicio de actividades profesionais que esixan a aplicación de coñecementos e métodos científicos e para a creación artística; ou a difusión, a valoración e a transferencia do coñecemento ao servizo da cultura, da calidade de vida, e do desenvolvemento económico.

**Quinto.-** Que a Universidade da Coruña, ao abeiro do Real decreto 592/2014, do 11 de xullo, polo que se regulan as prácticas académicas externas do alumnado universitario, e do Regulamento de prácticas académicas externas da UDC, aprobado polo Consello de Goberno o 23 de abril de 2013, e modificado polos acordos do Consello de Goberno do 27 de febreiro de 2015, o 29 de setembro de 2015, o 29 de maio de 2018 e o 4 de xuño de 2019, permiten o establecemento de convenios de colaboración educativa para o establecemento de prácticas académicas externas (curriculares e extracurriculares).

Neste contexto, ambas partes comprométese a aceptar as seguintes



## CLÁUSULAS

### PRIMEIRA.- Obxecto do convenio

As partes asinantes acordan establecer un programa para a realización de **prácticas académicas externas** do alumnado da Universidade da Coruña (UDC) curriculares e extracurriculares (en adiante, Prácticas), sexan presenciais ou telemáticas en colaboración coa Consellería de Medio Ambiente, Territorio e Vivenda, adscritas ao cumprimento das funcións e competencias en materia científico-ambiental e en materia de patrimonio natural e biodiversidade de Galicia, así como en avaliación e control da incidencia que sobre o ambiente provoque a actividade humana, a avaliación dos efectos de determinados plans e programas no ambiente, a xestión dos sistemas de observación ambiental e predición meteorolóxica de Galicia e o impulso da investigación ambiental para o logro da axeitada protección ambiental.

### SEGUNDA.- Beneficiarios

Para a realización das prácticas académicas externas o alumnado da UDC deberá cumprir os seguintes *requisitos*:

- a) Estar matriculado na titulación á que se vinculan as prácticas segundo as competencias que debe adquirir o alumnado.
- b) **Prácticas curriculares:** estarase ao disposto no plan de estudos de cada titulación.
- c) **Prácticas extracurriculares:**

-Estar matriculado na ensinanza á cal se vinculen as competencias básicas, xenéricas e específicas que se adquiriran.

– Ter superado o 50% dos créditos necesarios para obter o título de grao, incluídos, como mínimo, todos os créditos de formación básica. No caso de alumnado de mestrado a porcentaxe anterior será do 25%. No caso doutros programas formativos o/a alumno/a terá que estar matriculado/a no programa de que se trate.

– Non superar a duración en horas establecida no art. 14 do Regulamento de prácticas curriculares e extracurriculares da UDC no mesmo ano académico. De existiren vacantes na oferta de prácticas extracurriculares, formarase unha listaxe de agarda en que poderá participar o alumnado que superase estas horas.

– Estar matriculado de forma oficial (matrícula ordinaria) segundo o procedemento establecido pola UDC.

- d) Non manter ningunha relación contractual coa Consellería de Medio Ambiente, Territorio e Vivenda, agás autorización expresa obtida de acordo coa normativa interna da UDC
- e) Calquera outro requisito establecido na convocatoria de matrícula ou normativa de aplicación ás



prácticas académicas externas.

### **TERCEIRA.- Convocatoria de prácticas**

Realizarase, como mínimo, unha convocatoria de prácticas en cada curso académico. A realización efectiva das prácticas convocadas poderá exceder o período ordinario do curso académico con límite até o 30 de setembro do curso seguinte.

O órgano previsto na convocatoria efectuará a selección do alumnado conforme os criterios establecidos, que deberán ser taxados e nos que se terá en conta o rendemento académico. No caso de que a convocatoria das prácticas non concrete a valoración dos méritos, o órgano de selección deberá elaborar e publicar os ditos criterios antes da análise dos expedientes.

En todo caso, terán prioridade nos procesos de selección as prácticas curriculares sobre as extracurriculares. Así mesmo outorgarase prioridade na elección e adxudicación de prácticas ao alumnado con discapacidade, con obxecto de que poidan optar a empresas nas que teñan unha adaptación de medios para realizar as prácticas.

Unha vez asignado o destino das prácticas e antes do seu inicio, a alumna ou alumno deberá formalizar a oportuna matrícula nos prazos que se establezan.

### **CUARTA.- Número de prazas de prácticas**

O número de prazas que se convoquen para realizar as prácticas determinarao a Comisión de Seguimento deste convenio e concretarase nas convocatorias que faga a UDC.

### **QUINTA.- Duración das prácticas, réxime de permisos e condicións de resolución anticipada das prácticas**

1. A duración das prácticas será a seguinte:

a) As prácticas externas curriculares terán a duración que estableza o plan de estudos correspondente, nos termos establecidos polo artigo 14.5 do Real Decreto 822/2021, do 28 de setembro, polo que se establece a organización das ensinanzas universitarias e do procedemento de aseguramento da súa calidade,

ou norma posterior que o substitúa. As prácticas levaranse a cabo de conformidade co calendario aprobado polo Consello de Goberno para cada curso académico.

b) **As prácticas externas extracurriculares** durante o período lectivo as prácticas extracurriculares non excederán as 750 horas, sumadas as prácticas curriculares e extracurriculares, atendendo ao disposto no art. 14 do Regulamento de prácticas



académicas externas do alumnado da UDC, cunha distribución horaria que permita a dedicación simultánea aos estudos e ás prácticas.

2. Os horarios de realización das prácticas estableceranse de acordo coas súas características e as disponibilidades da entidade colaboradora. Deberán ser compatibles coa actividade académica, formativa e de representación e participación desenvolvida pola alumna ou alumno na universidade.

3. O réxime de permisos será acordado entre a entidade colaboradora e a alumna ou alumno, e deberá adaptarse ás normas que a universidade poida establecer. En todo caso, a entidade colaboradora deberá respectar as obrigas que se deriven do cumprimento da actividade académica e formativa, así como da representación e participación do alumnado.

4. Poderá ser excluído das prácticas académicas o alumnado que incumpra as actividades definidas no proxecto formativo ou as directrices marcadas polo titor ou titora da entidade colaboradora. Neste caso, a entidade colaboradora comunicará á universidade esta circunstancia e, de común acordo, ambas as entidades poderán dar por finalizada anticipadamente a realización da práctica externa coa perda dos dereitos formativos e, de ser o caso, económicos que corresponderan ás persoas beneficiarias.

No caso de que as prácticas na entidade colaboradora non se axusten ao acordado coa Comisión de Título poderán ser rescindidas. Nestes casos, a Comisión de Título ou órgano competente deberá ofrecer unha solución para completar o período que lle reste á alumna ou alumno para finalizar as prácticas.

Así mesmo, o alumnado en prácticas poderá, por causas xustificadas, solicitar a renuncia a elas, o que deberá ser resolto pola vicerreitoría con competencias en materia de prácticas académicas.

#### **SEXTA.- Proxecto formativo das prácticas**

O proxecto formativo en que se concretará a realización das prácticas académicas externas deberá fixar os obxectivos educativos e as actividades que se vaian desenvolver. Os obxectivos estableceranse considerando as competencias básicas, xenéricas, específicas e transversais que debe adquirir o alumnado. Así mesmo, os contidos das prácticas definiranse de forma que aseguren a relación directa das competencias a adquirir cos estudos cursados. *Este proxecto formativo especificase no anexo a este convenio para a realización de prácticas académicas externas.*

#### **SÉTIMA.- Vinculación do alumnado en prácticas coa Consellería de Medio Ambiente, Territorio e Vivenda**

1. A relación do alumnado en prácticas coa Consellería de Medio Ambiente, Territorio e Vivenda non terá en ningún caso carácter laboral e, polo tanto, non se poderá acoller a ningunha modalidade contractual laboral das previstas no “Estatuto dos Traballadores”.



2. As actividades estarán sempre orientadas á aprendizaxe práctica titorizada, polo que o alumnado en prácticas non poderá realizar tarefas de responsabilidade na entidade colaboradora, nin as propias e exclusivas do seu persoal.
3. A entidade colaboradora non poderá cubrir co alumnado en prácticas ningún posto de traballo, nin sequera con carácter eventual ou interino.
4. Durante o período de prácticas non se poderá formalizar ningún contrato de traballo entre a entidade colaboradora e o alumnado.

#### **OITAVA.- Aseguramento do alumnado e responsabilidade civil.**

1. A realización de prácticas académicas externas estará cuberta polo seguro escolar, sempre que se realicen en territorio nacional. Para o alumnado maior de vinte e oito anos formalizarase obrigatoriamente, ao seu cargo, un seguro de accidentes.
2. No caso de realización de prácticas académicas externas fóra do territorio nacional, o alumnado está obrigado a ter un seguro médico que garanta a asistencia sanitaria no país onde realizará o seu período de prácticas (Tarxeta Sanitaria Europea ou seguro privado). Con todo, as prestacións da Tarxeta Sanitaria Europea ou dun seguro privado poden non ser suficientes en caso de repatriación ou determinadas intervencións médicas, polo que se recomenda ao alumnado a contratación dun seguro complementario privado. En calquera caso, solicitaráselle que acredite a tramitación da Tarxeta Sanitaria Europea ou dun seguro privado antes da súa partida. O alumnado que realice prácticas no estranxeiro deberá subscribir un seguro adicional de asistencia en viaxe que cubra, polo menos, responsabilidade civil privada, danos a terceiros, accidentes persoais e repatriación.

#### **NOVENA.- Dereitos e deberes do alumnado**

Durante a realización das prácticas o alumnado comprometerase a cumprir as condicións concretas establecidas, a realizar as actividades que a Consellería de Medio Ambiente, Territorio e Vivenda lle encomende dentro do proxecto formativo fixado, a respectar os regulamentos e normas da Consellería de Medio Ambiente, Territorio e Vivenda, a gardar absoluta confidencialidade sobre os expedientes e os documentos (incluso unha vez finalizado o contrato de prácticas) e a manter contacto cos seus titores.

O alumnado en prácticas terá dereito a contar cun titor ou titora externa da Consellería de Medio Ambiente, Territorio e Vivenda, e un titor ou titora académica da universidade.

O *alumnado* en prácticas terá *dereito* a:

- a) Ser avaliado no desenvolvemento das súas actividades, segundo o establecido no programa. A avaliación referirase á consecución dos obxectivos de formación que deberán ser coñecidos polo titor ou titora externa. O alumnado terá dereito a coñecer os criterios de avaliación.



- b) Que se lle imputen os créditos cursados para os efectos de finalización de estudos no caso das prácticas curriculares, sempre que contén coa avaliación positiva do seu período de prácticas. No caso das prácticas extracurriculares, a que a Universidade acredite as prácticas realizadas facéndoas constar no expediente e no SET sempre que contén con avaliación positiva e se realicen antes do remate dos estudos.
- c) Expedición, por parte da entidade colaboradora, unha vez finalizado o período de prácticas con avaliación positiva, dunha certificación con mención expresa do nivel acadado na realización das prácticas, con indicación da especialidade á que estivo orientada a súa formación, de ser o caso.
- d) Que se lle recoñeza a propiedade intelectual e industrial nos termos establecidos na lexislación reguladora da materia.
- e) Recibir, por parte da entidade colaboradora, información da normativa de seguridade e prevención de riscos laborais.
- f) Cumprir coa súa actividade académica, formativa e de representación e participación, previa comunicación con antelación suficiente á entidade colaboradora.
- g) Dispoñer, no caso do alumnado con discapacidade, dos recursos necesarios para o acceso á tutela, á información, á avaliación e á realización das prácticas en igualdade de condicións.
- h) Conciliar, no caso do alumnado con discapacidade, a realización das prácticas con aquelas actividades e situacións persoais derivadas ou relacionadas coa súa situación de discapacidade.
- i) Aqueloutros dereitos previstos na normativa vixente e/ou nos correspondentes convenios de cooperación educativa asinados pola USC e, de ser o caso, a entidade xestora de prácticas vinculadas á mesma, coa entidade colaboradora.

No caso das prácticas curriculares se o alumnado, unha vez matriculado, non recibiu a formación por incumprimento da entidade colaboradora, o centro deberá procurar a súa incorporación noutra entidade para desenvolver as prácticas dentro da mesma convocatoria. De resultar imposible, terá dereito á devolución dos prezos públicos pagados e preferencia na asignación de prácticas na seguinte convocatoria.

No caso de prácticas extracurriculares se o alumnado, unha vez matriculado, non recibiu a formación por incumprimento da entidade xestora ou da entidade colaboradora, poderá optar pola devolución dos prezos públicos pagados, pola súa inclusión nunha lista de agarda ou pola súa inscrición automática nunha nova convocatoria. Este alumnado terá preferencia sobre as novas solicitudes de prácticas extracurriculares.

Así mesmo terán os dereitos establecidos no Real decreto 592/2014, do 11 de xullo, polo que se regulan as prácticas académicas externas dos estudantes universitarios e no Real decreto 1791/2010, do 30 de decembro, polo que se aproba o “ Estatuto do estudante universitario.

Durante o período de prácticas, o alumnado deberá desenvolver o proxecto formativo e elaborar unha memoria final e, de ser o caso, un informe intermedio.



Con relación á entidade en que se desenvolven as prácticas, o *alumnado deberá*:

- a) Incorporarse na data acordada e cumprir o horario previsto no anexo.
- b) Cumprir e respectar o sistema organizativo da entidade.
- c) Gardar o debido sigilo respecto dos asuntos que coñezan na súa tarefa.
- d) Cumprir e respectar as normas de seguridade e prevención de riscos laborais da entidade.
- e) Cumprir con dilixencia e boa fe as actividades acordadas coa entidade colaboradora.
- f) Cumprir calquera outra prevista na normativa vixente, nos convenios de cooperación educativa asinados entre a USC ou entidade xestora de prácticas e a entidade colaboradora.

O alumnado de prácticas curriculares estará obrigado á realización da totalidade de créditos dos que estean matriculados, de acordo co establecido no plano de estudos, para obteren o recoñecemento académico.

O incumprimento das súas obrigas poderá determinar a perda automática dos seus dereitos como estudante en prácticas sen prexuízo das accións disciplinarias que procedan.

### **DÉCIMA.-Titorización das prácticas**

A cada estudante seralle atribuído un titor ou titora académica que será docente da titulación por designación do centro para cada práctica ofertada e coa misión de facer un seguimento máis directo, dar resposta ás expectativas formativas establecidas, asegurar o seu correcto desenvolvemento e avalialo de acordo co proxecto formativo e o programa ou guía docente da materia. O titor ou titora académica tamén será o responsable de avaliar ao alumnado de prácticas externas curriculares conforme os criterios de avaliación que se fixen e segundo o procedemento de avaliación establecido pola UDC.

Cada estudante contará tamén cun titor ou titora na entidade colaboradora onde realice as prácticas. Será o responsable de aplicar o plan de formación previsto e elaborar os informes de valoración que lle sexan solicitados sobre o traballo desenvolvido pola alumna ou alumno.

### **DÉCIMO PRIMEIRA.- Dereitos e obrigas dos titores e titoras**

A.- O *titor ou titora da Consellería de Medio Ambiente, Territorio e Vivenda* terá dereito a:

1. O recoñecemento da súa actividade colaboradora por parte da universidade, a través da súa solicitude.
2. A recibir información acerca do regulamento de prácticas académicas externas.
3. A recibir información sobre o proxecto formativo e as condicións do seu desenvolvemento.
4. A obter a información e o apoio necesarios para o cumprimento dos fins propios da súa función.

B.- O *titor ou titora da Consellería de Medio Ambiente, Territorio e Vivenda* terá os seguintes *deberes*:

1. Acoller o alumnado e organizar a actividade consonte o establecido no proxecto formativo.



2. Supervisar as súas actividades, orientar e controlar o desenvolvemento da práctica cunha relación baseada no respecto mutuo e o compromiso coa aprendizaxe.
  3. Informar o alumnado da organización e funcionamento da entidade e da normativa de interese, especialmente a relativa á seguridade e riscos laborais.
  4. Coordinar co titor ou titora académica da universidade o desenvolvemento das actividades establecidas no convenio, que deberán contemplar:
    - a. As modificacións do plan formativo que poidan ser necesarias para o desenvolvemento das prácticas.
    - b. A comunicación e resolución das incidencias que puidesen xurdir.
    - c. O control de permisos para a realización de exames e/ou outro tipo de actividades de carácter académico.
  1. Emitir o informe final e, de ser o caso, o informe intermedio. O informe final deberá emitirse no prazo de 10 días naturais unha vez finalizado o período de realización das prácticas.
  2. Proporcionar a formación complementaria que precise o alumnado para a realización das prácticas.
  3. Proporcionar ao alumnado os medios materiais indispensables para o desenvolvemento das prácticas.
  4. Facilitar e estimular a achega de propostas de innovación, mellora e emprendemento por parte do alumnado.
  5. Facilitar ao titor ou titora académica da universidade o acceso á entidade para o cumprimento dos fins propios da súa función.
  6. Gardar confidencialidade en relación con calquera información que coñeza do alumnado como consecuencia da súa actividade como titor ou titora.
  7. Prestar axuda e asistencia ao alumnado durante a súa estancia na entidade, para a resolución daquelas cuestións de carácter profesional que poida necesitar no desempeño das actividades que realiza na mesma.
- C.- O *titor ou titora académica da universidade* terá os seguintes *dereitos*:
- a) Recoñecemento efectivo da súa actividade académica, sen que do devandito recoñecemento poidan derivarse en ningún caso efectos retributivos específicos.
  - b) Recibir información verbo do regulamento de prácticas académicas externas, así como do proxecto formativo e das condicións baixo as que se desenvolverá a estancia do alumnado que debe tutelar.
  - c) Ter acceso á entidade colaboradora para o cumprimento dos fins propios da súa función.
- D.- O *titor ou titora académica da universidade* terá os seguintes *deberes*:
- a) Velar polo normal desenvolvemento do proxecto formativo, garantindo a compatibilidade do horario das prácticas coas obrigas académicas, formativas, de representación e participación do alumnado.



- b) Facer un seguimento efectivo das prácticas, coordinándose co titor ou titora externa da entidade colaboradora e vistos, de ser o caso, os informes de seguimento.
- c) Autorizar as modificacións que se produzan no proxecto formativo.
- d) Avaliar as prácticas do alumnado titorizado
- e) Gardar confidencialidade sobre a información que coñeza como consecuencia da súa actividade como titor ou titora.
- f) Informar á persoa responsable das prácticas académicas externas na universidade das posibles incidencias xurdidas.
- g) Supervisar e, de ser o caso, solicitar a adecuada disposición dos recursos de apoio necesarios para asegurar que o alumnado con discapacidade realice as súas prácticas en condicións de igualdade de oportunidades, non discriminación e accesibilidade universal.

## **DÉCIMO SEGUNDA.- Obrigas da Consellería de Medio Ambiente, Territorio e Vivenda**

A Consellería de Medio Ambiente, Territorio e Vivenda comprométese a fixar en colaboración coa UDC, o proxecto formativo que efectuará cada estudante, e a respectar os dereitos dos estudantes relativos a la protección dos seus datos de carácter persoal. En todo caso, o proxecto formativo será conforme aos principios de inclusión, igualdade de oportunidades, non discriminación e accesibilidade universal.

As tarefas que realizarán os estudantes en prácticas estarán relacionadas co seu nivel de estudos e a súa formación académica.

Unha vez finalizadas as Prácticas, a Consellería de Medio Ambiente, Territorio e Vivenda expedirá ao estudante un certificado acreditativo da súa realización e das súas características. Por outro lado, remitirá debidamente cumprimentado á UDC o informe de seguimento final das Prácticas, no que deberán constar os seguintes aspectos:

- a) Capacidade técnica do estudante
- b) Capacidade de aprendizaxe
- c) Administración e organización dos traballos
- d) Habilidades de comunicación oral e escritura

No caso de aqueles estudantes con discapacidade que presentan dificultades na expresión oral, deberá indicarse o seu grado de autonomía para esta habilidade e se requiren algún tipo de apoio técnico e/ou humano.

- e) Sentido da responsabilidade
- f) Facilitade de adaptación
- g) Creatividade e iniciativa
- h) Implicación persoal
- i) Motivación
- j) Receptividade ás críticas
- k) Puntualidade
- l) Relacións co seu entorno laboral
- m) Capacidade de traballo en equipo



n) Outros aspectos que se consideren oportunos.

### **DÉCIMO TERCEIRA.- Obrigas da Universidade da Coruña**

A UDC comprométese a poñer a disposición das/dos estudantes os modelos de solicitude para participar no programa de Prácticas, así como a poñer a disposición da Consellería de Medio Ambiente, Territorio e Vivenda os modelos para que esta le traslade a súa oferta de Prácticas.

Do mesmo xeito a UDC comprométese a convocar, difundir entre o seu alumnado e tramitar as ofertas de Prácticas que reciba da Consellería de Medio Ambiente, Territorio e Vivenda no marco deste convenio.

### **DÉCIMO CUARTA.- Memoria das prácticas**

Ao rematar o período de prácticas cada alumna ou alumno deberá realizar unha memoria final sobre o traballo desenvolvido, que entregará ao titor ou titora académica. Na devandita memoria final deberán recollese as seguintes informacións:

- a) Datos persoais.
- b) Entidade colaboradora en que levou a cabo as prácticas e onde está situada.
- c) Descrición concreta e detallada das tarefas desenvolvidas na Entidade, conindicación do(s) departamento(s) da Entidade en que se realizaron.
- d) Valoración das tarefas executadas e dos coñecementos e competencias adquiridos en relación cos seus estudos universitarios.
- e) Relación dos problemas que se lle presentaron e dos procedementos que se seguiron para resolvelos.
- f) Contribución que supoñen as prácticas en materia de aprendizaxe.
- g) Avaliación das prácticas e suxestións de mellora.
- h) Outros aspectos que o centro considere relevantes de cara á formación do alumnado.

### **DÉCIMO QUINTA.- Procedemento de avaliación**

O titor ou titora académica, á vista do informe da entidade colaboradora e da memoria final do alumnado, avaliará as prácticas desenvolvidas cubrindo o correspondente informe de valoración.

### **DÉCIMO SEXTA.- Certificación da Consellería de Medio Ambiente, Territorio e Vivenda**

No caso de que a avaliación da memoria e o informe de actuación do alumnado sexan favorables, a Consellería de Medio Ambiente, Territorio e Vivenda emitirá para cada alumna ou alumno unha certificación na que debe constar o tempo de colaboración e as actividades, traballos, investigacións, etc. realizados nela. A certificación deberá especificar que carecerá de efectos académicos, quedando supeditada, a estes efectos, á avaliación que realice a UDC das prácticas.



### **DÉCIMO SÉTIMA.- Efectos das prácticas**

A realización das prácticas curriculares polo alumnado computará para a obtención dos títulos correspondentes co carácter establecido no plan de estudos.

No caso das prácticas extracurriculares, non formarán parte do plan de estudos, pero figurarán no expediente e no Suplemento Europeo ao Título, sempre que se realizaran antes da finalización dos estudos.

### **DÉCIMO OITAVA.-Seguro escolar**

O alumnado da UDC menor de 28 anos está cuberto polo seguro escolar obrigatorio que paga coa matrícula. Aquel maior de 28 anos deberá contratar, de ser o caso, o seguro Hac Luce Accidentes, que tamén poderá ser contratado polo resto do alumnado.

No caso de prácticas no estranxeiro é imprescindible asinar unha póliza de seguro para o período de prácticas que cubra, como mínimo, os riscos sanitarios e de accidentes que inclúa a repatriación. Os gastos da dita póliza correrán a cargo do alumnado.

A responsabilidade civil por danos a terceiros en que eventualmente se puidese incurrir quedará cuberta pola póliza que a UDC ten subscrita para os efectos.

### **DÉCIMO NOVENA.- Protección de datos**

As partes comprométese a cumprir o establecido no *Regulamento (UE) 2016/679 do Parlamento Europeo e do Consello, de 27 de abril de 2016, relativo á protección de datos das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos)*, así como na *Lei orgánica 3/2018, de 5 de decembro, de protección de datos persoais e garantía dos dereitos dixitais* e no resto da lexislación española aplicable nesta materia.

O alumnado en prácticas que por razón das actividades formativas teña acceso, en calquera fase do tratamento, a datos de carácter persoal non revelará, a persoa allea á entidade colaboradora, información da que tivera coñecemento, nin utilizará ou disporá dela dun xeito ou cunha finalidade distinta á esixida polas accións formativas, obriga que subsistirá aínda despois de rematadas as prácticas, respondendo en caso de incumprimento do deber de segredo fronte á entidade colaboradora, sen prexuízo das responsabilidades que por igual causa puideran derivarse ante a Axencia Española de Protección de Datos.

Para tal efecto o/a estudante poderá asinar coa entidade colaboradora un documento en que se obrigue a cumprir o deber de segredo antes citado.

A UDC protexe e garante o dereito fundamental á protección de datos e amósase especialmente sensibilizada pola salvagarda da privacidade das persoas. O tratamento de datos faise de acordo co



*Regulamento (UE) 2016/679* citado, coa *Lei orgánica 3/2018, de 5 de decembro, de protección de datos persoais e garantía dos dereitos dixitais*, así como co resto da lexislación española aplicable nesta materia . Así as cousas, este tratamento responde aos principios de licitude, lealdade, transparencia, limitación da finalidade, minimización dos datos, exactitude, limitación do prazo de conservación, integridade, confidencialidade e responsabilidade proactiva.

#### **VIXÉSIMA.-Entrada en vigor e duración**

O presente Convenio perfeccionarase coa sinatura das partes e a súa duración será de catro anos, podendo prorrogarse en calquera momento antes da finalización por acordo unánime dos asinantes por un novo período de ata catro anos.

Así mesmo, calquera das partes poderá denunciar este convenio, o que deberá comunicar á outra parte por escrito con tres meses de antelación á data en que se desexe dalo por rematado. A denuncia do convenio non afectará ás prácticas que se estean a realizar no momento de efectuala.

#### **VIXÉSIMO PRIMEIRA.- Comisión de seguimento**

Créase unha comisión paritaria, formada por un representante de la Consellería de Medio Ambiente, Territorio y Vivienda e outra persoa por parte da Universidade da Coruña , para o seguimento do grado de cumprimento dos compromisos contraídos.

O funcionamento de la Comisión de seguimento rexerese pola Lei 40/2015, de 1 de outubro, de Réxime Xurídico do Sector Público.

A Comisión de seguimento unicamente tomará decisións por acordo unánime dos seus membros. Os acordos e o contido das reunións da Comisión de seguimento consignaranse sempre en actas escritas e debidamente asinadas polos membros.

#### **VIXÉSIMO SEGUNDA.- Modificación e resolución do convenio**

Este convenio extinguirase polo cumprimento das actuacións que constitúen o seu obxecto e, ademais, por incorrer en algunha das seguintes causas de resolución, segundo establece o artigo 51.2 da Lei 40/2015, de 1 de outubro, de Réxime xurídico do sector público:

- a) O transcurso do prazo de vixencia do convenio sen terse acordado a prórroga do mesmo.
- b) O acordo unánime de todos os asinantes.
- c) O incumprimento das obrigas e compromisos asumidos por parte de algún dos asinantes.

Neste caso , calquera das partes poderá notificar á parte incumplidora un requirimento para que cumpra no prazo dun mes coas obrigas ou compromisos que se consideran incumplidos. Este requirimento será comunicado á Comisión de seguimento.

Se transcorrido o prazo indicado no requirimento persistira o incumprimento, a parte que o dirixiu



notificará á outra parte a concorrencia da causa de resolución e entenderase resolto o convenio.

d) Por decisión xudicial declaratoria da nulidade do convenio.

e) Por calquera outra causa distinta das anteriores prevista no convenio o en outras leis.

A resolución do Convenio, por denuncia formal, ou por calquera outra causa de resolución das previstas no artigo 51.2 da Lei 40/2015, de 1 de outubro, de Réxime xurídico do sector público, non poderá perxudicar a continuación de cantas actuacións ou actividades se encontrarán xa en curso, ou ben, daquelas sobre as que xa se adquirira un compromiso fronte á outra parte ou fronte a terceiros. No acordo de resolución do Convenio, establecerase o prazo improrrogable no que as citadas actuacións ou compromisos deberán ter finalizado.

A resolución do Convenio non orixinará ningunha obriga de contraprestación entre as partes, salvo a liquidación das obrigas pendentes.

O presente Convenio poderá ser modificado a proposta de calquera das partes, mediante a suscripción dunha adenda ao mesmo, formalizada antes da finalización do Convenio.

### **VIXÉSIMO TERCEIRA.- Causas de extinción**

Este convenio extinguirase por mutuo acordo das partes, polo incumprimento reiterado por calquera das partes dos deberes adquiridos, ou por cambios na normativa que motivou a suscripción do mesmo.

### **VIXÉSIMO CUARTA.- Natureza, normativa aplicable e xurisdición**

O presente Convenio ten natureza administrativa e réxese polos artigos 47 e seguintes da Lei 40/2015, de 1 de outubro, de Réxime Xurídico do Sector Público.

As controversias que poidan xurdir sobre a interpretación, modificación, execución, resolución e efectos que poidan derivarse do presente convenio, resolveranse entre as partes do xeito amistoso no seno de la comisión prevista en la cláusula vixésimo primeira. Ao ter natureza administrativa, o orde xurisdicional contencioso administrativo será o competente para resolver as cuestións litixiosas que puideran suscitarse entre as partes.

Ademais a falta de determinación no convenio, seranlle de aplicación as seguintes normas:

- Real Decreto 822/2021, de 28 de setembro, polo que se establece a organización das ensinanzas universitarias e do procedemento de aseguramento da súa calidade.
- Real decreto 592/2014, de 11 de xullo, polo que se regulan as prácticas académicas externas dos estudantes universitarios.
- Plan de estudos da titulación.
- Convocatorias de prácticas externas e demais disposicións xerais de aplicación.

### **VIXÉSIMO QUINTA.- Publicidade**



A sinatura do presente convenio suporá o consentimento expreso das partes asinantes para incluír e facer públicos os datos persoais que consten no convenio e o resto de especificacións contidas no mesmo, de conformidade co artigo 15 da Lei 1/2016, de 18 de xaneiro, de transparencia e bo goberno (DOG núm. 30 de 15 de febreiro) e o Decreto 126/2006, de 20 de xullo, polo que se regula o rexistro de convenios da Xunta de Galicia (DOG num. 149 de 3 de agosto).

#### **VIXÉSIMO SEXTA.- Financiación**

Este convenio non supón ningún custe para a Consellería de Medio Ambiente, Territorio e Vivenda, polo que non se precisa consignación orzamentaria.

En proba de conformidade con todo o anteriormente exposto e estipulado, asinan dixitalmente ambas partes o presente convenio,

A Conselleira de Medio Ambiente, Territorio e Vivenda	POLA UNIVERSIDADE DA CORUÑA,
Ángeles Vázquez Mejuto	Don Julio E. Abalde Alonso



## ANEXO

### ANEXO AO CONVENIO DE COLABORACIÓN EDUCATIVA ENTRE A CONSELLERÍA DE MEDIO AMBIENTE, TERRITORIO E VIVENDA E A UNIVERSIDADE DA CORUÑA PARA A REALIZACIÓN DE PRÁCTICAS ACADÉMICAS EXTERNAS CURRICULARES OU EXTRACURRICULARES DO ALUMNADO

#### CURSO ACADÉMICO 202...../202....

As persoas que asinan este documento manifestan que leron e aceptan as condicións e compromisos establecidos no Convenio de Colaboración Educativa subscrito entre a Consellería de Medio Ambiente, Territorio e Vivenda e a Universidade da Coruña, e de acordo coas cláusulas contempladas no dito convenio, fan constar a seguinte información:

**1.- Tipo de prácticas:**     **Curriculares**             **Extracurriculares**             **Traballo fin de grao/máster**

**2.- Estudante beneficiario ou beneficiaria deste Convenio**

*Apelidos e nome:*

.....

DNI .....

Correo

electrónico .....

Teléfono .....

O/a estudante declara cumprir os requisitos establecidos para a realización das prácticas (cláusula terceira do convenio) así como estar ao corrente no pagamento do seguro establecido na cláusula oitava 1. do convenio (seguro escolar para menores de 28 anos; seguro específico para os maiores de 28 anos).

**3.- Titulación e curso no que está matriculado ou matriculada**

.....

.....

**4.- Centro de traballo e localidade onde se desenvolverán as actividades:**

.....

.....

.....

**5.- Titor ou titora académica:**

*D/*

*Dona*.....

.....

*con DNI*.....



**6.- Titor ou titora de prácticas da Entidade Colaboradora:**

D/Dona.....

con DNI.....

**7.- Duración das Prácticas Académicas Externas (dd/mm/aa):** do..... ao  
..... N° total de días: .....Horas/día: .....

**8.-** O réxime de **permisos** será acordado pola entidade colaboradora e o alumnado, e deberá adaptarse ás normas que a Universidade poida establecer. En todo caso, deberán respectarse por parte da entidade colaboradora as obrigas de asistencia á Universidade motivadas polo cumprimento da actividade académica e formativa, así como de representación e participación do alumnado tal e como se establece na cláusula quinta, apartado 3 do presente convenio.

**9.-** O **obxectivo** educativo destas prácticas é que o alumnado aplique e complemente os coñecementos adquiridos na súa formación académica, favorecendo a adquisición de competencias que o preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.

**10.- Proxecto formativo das prácticas (actividades, competencias, obxectivos específicos, etc.)**

O proxecto formativo concreto das prácticas académicas externas reflectirase para cada caso neste apartado. O proxecto formativo terá en conta os principios de inclusión, igualdade de oportunidades, non discriminación e accesibilidade universal. O perfil e o nivel de profundización dependerán dos labores a desenvolver polo alumnado dentro do marco do convenio de colaboración. O alumnado realizará unha estadía onde porán en práctica os coñecementos adquiridos, adaptándose así a unha realidade concreta do traballo día a día.

**11.- Sistemas de avaliación e control:** O titor ou titora académica, á vista do informe da entidade colaboradora<sup>1</sup> e da memoria final da alumna ou alumno, avaliará as prácticas desenvolvidas .

**12.-** O/a estudante comprométese a cumprir coas obrigas establecidas no convenio:

- a. Incorporarse na data acordada e cumprir o horario previsto no anexo.
- b. Cumprir e respectar o sistema organizativo da entidade.
- c. Gardar o debido sixilo respecto dos asuntos que coñeza na súa tarefa.
- d. Cumprir e respectar as normas de seguridade e prevención de riscos laborais da entidade.
- e. Cumprir con dilixencia e boa fe as actividades acordadas coa entidade colaboradora.
- f. Calquera outro deber previsto na normativa vixente, nos convenios de cooperación educativa asinados entre a UDC ou entidade xestora de prácticas e a entidade colaboradora e, a entidade xestora de prácticas vinculada á mesma, coa entidade colaboradora.

<sup>1</sup>Conforme ao disposto na cláusula décimo primeira, apartado B, punto 5, o informe deberá emitirse no prazo de 10 días naturais unha vez finalizado o período de realización das prácticas.



**13.- Información de protección de datos da UDC:**

<b>Entidade</b>	Universidade da Coruña
<b>Responsable do tratamento</b>	
<b>Finalidade</b>	
<b>Lexitimación</b>	
<b>Persoas destinatarias</b>	
<b>Dereitos</b>	
<b>Información Adicional</b>	
<b>Transferencias internacionais</b>	

O que se asina, por triplicado, en ....., a.....de.....de 202.....

<b>O titor ou titora académico/a,</b>	<b>O titor ou titora de prácticas da Consellería de Medio Ambiente, Territorio e Vivenda</b>	<b>O/a estudante,</b>
Asinado: .....	Asinado: .....	Asinado: .....

